

Tuhaqtitaujukhaq

Tuhaqtitauhainnaqtukhaq

Iqalungi Biani Wainnilu Niuvvaavik angmaumaraanginnarnialiqtuq

IQALUIT, Nunavut (June 22, 2020) – Minista Kiinaujaliqijikkunni Havagviani George Hickes ublumi uqaqtuq ihumaliurutimik pipkainikku ukuninnga Nunavunmi Taangani Higaarlunnilu Havagvik (NULC) aulahimaniaqtuq aulapkainikku Iqalungni niuvvaavingani angmaumaraanginnarnaliqtukku. Niuvvaavik angmaqqaqtuq 2017mi taimaatun pingahuni-ukiugagtumik hivulliqpaakku uktuqhugu havaktaq.

“Turaanga angmaqtirnikkut una Iqalungi Biani Wainilu niuvaavik pijuq mikhilaaqtirumanirmun imirniirnik hakugiktunik taanganik, akhuurhainikkut ihuaqtunik imirniirnik nutaqtinniarhimanikkullu niuvvaanirnik kitkunnin,” uqaqtuq Minista Hikes. “Ihumaliurniq niuvaavik angmaumaraanginnarnikkut pipkaqtitaatigun hivumuuniptiknik takijunik-hivituniqaqtunik aanniqtailidjutikhanun.”

Kangiqhittiariami hulaqutiniq nivvaavingmi, NULC-kut iniqittijun malruunik naunajautiniq – atahiq 2018mi aippaataug 2020mi. 2020mi naunajautit tautuktait taimaaton:

- 75%ni kiuvaktut naammagijaa niuvvaavik angmaumadjutaanik.
- Angmaqtirninganin niuvvaavingmik, 37% inungni uqarhimajun imiraaqpagungnaiqtun umaalu 15% uqarhimajun imiraaqpakjuummirhimajun.
- Takunnaguq mikhilaarutimik amigainninginnik inungni (imaakiaq 67% ikitqijaunirmik) niuviliqpaktunik aallanik niuvvaajinin niuvaavik angmarmat.
- Amigaitqijaujun kiuvaktun (80%) akiliqtuivaktun aajikkutamik maninik ikitqijaujunikluunniit maninik taanganun taimanimin hivuagun niuvvaavik angmaqtinnagu.

Una 2020 NULC naunaijarnikkut naunaitkutait unalu Iqalungni NULC Niuvvaavingmi Hivulliqpaakkut Uuktuqhugu Havaktaq Qaujiharnikkut Unniudjutimi hailihimajun uvani Kiinaujaliqinikkut Havagviup qaritaujakkuurutaani uvani <https://gov.nu.ca/finance/information/igaluit-nulc-store>.

NULC-kut akiliqtuivaktun imaakiaq %500K atauhirmi ukiumi ukunani inungnun munarittiarutikkut pinahuarutini akhuurhaidjutinilu. Aallanik kangiqhittiarutikhanik mighaagun Nunavut Kavamangani ihuaqtukkut imirniirnik akhuurhainiani uumani *Let's Be Aware / Ujjiqsuqta*, takulugu una www.ResponsibleNunavut.ca unaluunniit www.ujjiqsuqta.ca.

###

Tuhaqtipkainikkut Uqaqatigivikhaq:

WeiChlen Chan
Atanngujaq, Tuhaqtidjutinun
Kiinaujaliqijikkut Havagvia
867-975-6818
FinanceComs@gov.nu.ca

News releases are available in Inuktitut, English, Inuinnaqtun and French on www.gov.nu.ca.
Tuhagtaghat ittut Inuktitut, Qablunaatut, Inuinnaqtun Uviitullu talvani www.gov.nu.ca.
Les communiqués de presse sont disponibles en inuktitut, en anglais, en inuinnaqtun et en français au www.gov.nu.ca.